



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Institvtio Virtutum & vitiorum sacri uerbi Dei
declamatoribus admodum vtilis et necessaria**

Ammiani, Sebastiano

Venetiis, 1562

Fidelitas inferioris hominis potest attendi circa tria.

urn:nbn:de:hbz:466:1-30415

rami sint boni, & sancti, & catholici. Debet enim aream suam a paleis, & zizaniis cribro expurgare; debet in uigilare super gregem suum ne inimicus homo heresum semina iaciat. Diligens sit ne noua doctrina & uana, nouique ritus, abususque introducantur in ecclesia sibi commissa.

Fidelitas inferioris hominis potest attendi circa tria.

Primum est, ut bona sibi commissa non dissipet. **Luc. 16** Et hic diffusamatus est apud ipsum, quasi dissipasset bona ipsius. Quæ dissipatio fit tribus modis. Primo, quando aliquis se & sua quæ expendere ad Dei honorem, & animæ suæ utilitatem debuit, expendit ad Dei contumeliã, & animæ damnationem; & qui totam uitam suam consumunt in seruitio diaboli. Secundo, quando aliquis ab opere incepto desistit. **Pro. 18** Qui mollis & dissolutus est in opere suo, factus est suorum operum dissipator. Dissolutus est, qui nullo amore, uel desiderio ad opus ligatus est; Mollis est, qui cedit duris. Et talis dissipator operum suorum reputatur. Tertio,

- quando aliquis quod uerbo edificat, exemplo postea destruit. Ecclesiasticus. Unus edificans, & unus destruens, quid prodest illis, nisi labor? Secundum est, ut ea studiosè multiplicet.
- Ecc. 34**
- Mat. 25** Matth. Domine quinque talenta tradidisti mihi, ecce alia quinque superlucratus sum. Tertium est, ut de parte quæ ad Deum pertinet, non destruat. Ecclesiasticus. Da altissimo, &c. Sed datum ipsius, &c. duobus modis potest aliquis defraudare Deum. Primo si gloriam quærit de bonis operibus quæ agit, quæ soli deo debentur, quia ipse est, qui operatur omnia opera nostra, sicut ipse dixit. Sine me nihil potestis facere. Vnde Pater Augustinus. Omne enim bonum nostrum aut ipse est, aut ab ipso. Ideo Bernardus dicit. Fidelis reuera famulus est, si de multa gloria dei tui, & si non exiit a te, tamen exeunte per te, in manibus tuis adherere contingat. Secundo quando quærit gloriam de gratiis sibi a deo collatis; cum omnis gratia à domino sit. Vnde Paulus. Quia habes quod non accepisti, & si accepisti, cur gloriaris, quasi non acceperis?